

# LITURGI PEKAN KEBAKTIN KELUARGA GBKP 2014

WARI/BERNGI I, MINGGU 01 JUNI 2014

## I. PERSIKAPEN (IBABAI RUNGUN GEREJA) :

1. Rende : PEE GBKP No: 113 : 1-3
2. Kata Penaruh :
3. Ertoto
4. Rende : PEE GBKP No: 102 :1,2 (Iher Ngendesken Perlengkapan Kebaktin Man Si Mabai Kebaktin) (Perp. Tedis)

## II. KEBAKTIN :

1. Votum, Salam :

L. : I bas gelar Dibata Bapa, AnakNa Jesus Kristus ras Kesah si Badia. Perkuah ate ras dame i bas Dibata Bapa, ras i bas Tuhan Jesus Kristus nari, i bas kerembaken Kesah si Badia ras

kam (kita) kerina gelah. Amin.

P. : Amin.....Amin.....Amin (iendeken)

L. : "I buat Tuhan Dibata sitik abu tanah dijadikanNa jelma; iembuskenNa kesah kegeluhen ku bas igungna, e maka mulai me jelma ndai nggeluh" (Kejadin 2:7).

P. : Rende PEE GBKP No: 94: 1,4

2. Puji-Pujin Kerna Perbahanen Dibata Si Mbelin (Responsoria)

(Perp. Kundul)

L. : Tuhan kap si Mada doni ras isina kerina,

P. : Tuhan kap si Mada pertibi ras si nggeluh ije.

L. : IpajekkenNa palasna i bas lawit si mbagesna,

P. : I pantekiNa i babo lau si mbages si lit i teruh doni.

L. : Isekin metanggung nangkiah ku deleng Tuhan ?

P. : Dingen bengket ku bas RumahNa si Badia ?

L. : Em kalak si bersih perukuren ras perbahanenna,

P. : Si la ersumpah guak ntah nambah man gana-gana.

L. : Kalak si bage ipasu-pasu Tuhan kap,

P. : Keadilen Dibata si engkelengi ia.

3. Rende : KEE GBKP No: 201: 2,4

4. Nandai Dirinta I lebe-lebe Dibata (Responsoria)

L. : Turang ras senina enggo ibere Dibata Kesah kegeluhen man banta pribadi lepas pribadi janah ipersadakenNA kita ku bas sada keluarga, ije lit bapa, nande ras anak-anak. Keluarga si irancang Tuhan eme keluarga si njadikan Dibata jadi Kepala keluargana janah kerina isi jabu erkemalangen man Dibata.

Bapa : Tuhu Tuhan enggo ialoken kami kegeluhen i bas Kam nari. Janah sura-suraNdu kami tetap erpersukuten man banNdu. Tapi megati selaku bapa katangu ateku rusur ibegiken ndehara ras anak-anakku, tapi aku la megiken KataNdu seh maka keputusan si kubahan e la maba kemalemen ate i bas jabungku. Aku rusur kurang pentar i bas mimpin keluargaku.

P : Rende : KEE GBKP No: 63 :2

Nande : Selaku nande megati aku lupa maka perbulangen ras anak-anakku e rehna ibas Tuhan nari emaka bagi si kurang nge aku nehken kehamaten e dengen emehaga perbulangen ras anak-anakku. Aku pe megati ndalanken sura-surangu saja la erpersukuten man bandu Tuhan.

P. : KEE GBKP No: 63 : 3

Anak : Selaku anak labo kuangka maka orangtuaku e me wakil Dibata i bas kegeluhenku, emaka megati nge aku erbual janah mesui pusuh nande bapangu arah perbahanen ras pengeranaku, bagepe sura-surangu rusur kupaksaken man bapa ras nandengku janah sura-suraku e labo bagi singena ate Tuhan.

P. : Rende KEE GBKP No: 63 : 4

5. Padan Dibata Man Kalak Si Ngakuken Dosana :

L. : "Genduari erpadan Aku, ndigan pe lanai kam Kutembeh, lanai kam kuukum, lanai kurawai".

6. Rende : KEE GBKP No: 96:1-3

7. Pengogen Kata Dibata Si Pemena : **Kejadin 1 :27-28**

**(logeken Si Mada Jabu)**

L. : Ketuahan kalak si megiken Kata Dibata dengen si makekenca i bas geluhna si tep-tep wari. Halleluya.

P. : Halleluya.....Halleluya.....Halleluya (lendeken)

8. Renungen :

a. Ertoto Ope Renungen

b. b. Renungen

c. Ertoto Kenca Renungen

10. Pengakun Kiniteken

(Perp. Tedis)

11. Persembahen

(Perp. Kundul)

L. : Kata Dibata i bas kita nehken persembahen : “Dage tah kai gia ibahanndu, subuk i bas ngerana entah i bas perbahanen, bahanlah e kerina i bas gelar Tuhan Jesus Kristus janah ngataken bujur man Dibata Bapa arah IA” (Kolose 3:17)

P. : Rende PEE GBKP No: 60:1,3

12. Pertoton Persembahen Ras Pertoton Syafaat.

**Topik Pertoton Syafaat :**

1. Persembahen.

2. Simada jabu ras tuan rumah wari/ berngi si pagi.

3. Gelah kerina jabu si lit bas sektorta ras jabu-jabu perpulungen GBKP jadi keluarga si erkualitas subuk i bas kiniteken bagepa pendahin si teptep wari.

4. Si turah bas perpulungen.

13. Tekad Ras Pengendesen

(Perp. Tedis)

L. : Turang ras senina tangkas man banta uga Dibata tetap mereken kegeluhen man banta ras man se-isi jabunta, dinging kegeluhenta e min erguna dinging maba perubahen si mehuli itengah-tengah doni enda.

Bapa. : Ateku ngikutken pengajaren ras pembabai Kesah si Badia i tegah-tengah keluargaku. Selaku Bapa aku tetap mindo kepentaren i bas Tuhan nari gelah banci kupimpin keluargaku ku si mehuli ras maba kemalemen ate ku bas jabu ras sekelewetku.

Nande : Ateku patuh dinging empehaga perbulangenku bagi aku patuh ras empehaga Tuhan janah alu penjemba Kesah si Badia ku kelengi anak-anakku ras kerina tinepa Dibata si lit i sekelewetku. Keluargaku jadi keluarga si erkekelengen.

Anak . : Sura-surangku Tuhan mehamat man bapa ras nandeku si tetap engkelengi ras si emperdiateken aku. I bas nehi sura-surangku tetap aku erpersukuten man orangtuaku terlebih man baNdu Tuhan.

14. Rende PEE GBKP No: 84:1,3,4.

15. Pertoton Tuhan

16. Pemasu-Masun

L. : Berkatlah ! Perdiateken sekelewet (ndu), jadilah jabunta (ndu) jadi keluarga si erkualitas si maba perubahen ku si

mehuli si ngena ate Tuhan i tengah-tengah doni enda.  
Alokenlah pasu-pasu idur Dibata nari. “Ipasu-pasu janah  
ikawali Dibata kita (kam), siang ayo Dibata ersinalsal i babo  
ta (ndu) janah melias ateNa ngenehen kita (kam), itatap  
Dibata kita (kam) janah malem ateta (ndu) ibahanNa”. Amin.

P. : Amin....Amin...Amin. (iendecken).

### **III. DISKUSI :**

1. Kai ertina ibas 1 Timotius 3:4, “Arus ietehna ngepkep jabuna alu mehuli janah ngasup erbahanca anak-anakna ngikutken katana dengen mehamat kempaksa”? Turikenlah !
2. Kuga carana ibahan gelah sada kata bapa ras nande ibas ngajarken anak? Kuga ka carana gelah anak-anak terhindar ibas penakit masyarakat nari, terutama narkoba? Turikenlah !

### **CATATEN :**

1. Tedis ras kundul tupung kebaktin nehen situasi ingan kebaktin.  
Sijaga kebadian ibas kebaktinta.

# WARI/BERNGI II, SENEN 02 JUNI 2014

## I. PERSIKAPEN (IBABAI RUNGUN GEREJA)

1. Rende : SEE GBKP No: 136 : 1,3,4
2. Kata Penaruh :
3. Ertoto
4. Rende: PEE GBKP No: 36 :2,3 (Iher Ngendesken Perlengkapan Kebaktin Man Si Mabai Kebaktin) (Perp.Tedis)

## II. KEBAKTIN :

1. Votum, Salam :
  - L. : I bas gelar Dibata Bapa, anakNa Jesus Kristus ras Kesah si Badia.
  - P. : Rende : Ref. PEE GBKP No:11  
*Dibatanta si telu sada Bapa Anak Kesah si Badia,  
Em si jadi penundalenta dinging palas bas kinitekenta*
  - L. : Perkuah ate ras dame i bas Dibata Bapa, ras i bas Tuhan Jesus Kristus nari, i bas kerembaken Kesah si Badia ras kita (kam) kerina gelah. Amin.
  - P. : Amin.....Amin.....Amin (iendeken)
  - L. : "Ajarkenlah man anak uga kearusen nggeluh, maka ikutkenna asa umurna nggeluh" (Kuan-Kuanen 22:6)
2. Rende : PEE GBKP No: 73:1,4,5
3. Nandai Dirinta I Lebe-Lebe Dibata (Responsorial) (Perp. Kundul)
  - L. : Turang ras senina, jadi orangtua (bapa nande) eme pendilo i bas Dibata nari. Kita ipilihNa jadi wakilNa i doni enda si encidahken kemulian Dibata arah sikap nggeluh si tep-tep wari. Dahinta selaku orangtua eme guna mabai seisi jabunta ras doni enda erkemalangen man Dibata. Ngajarken Kata Dibata e alu ratur man anak-anak ras kerina isi jabu. Encukupi keperluan geluh anak-anak subuk keperluan kula ras pertendin.
  - P. : O Tuhan megati kami lupa maka kami e ipilihNdu jadi wakilNdu i doni enda si encidahken kemulianNdu man anak-anak ras seisi jabu kami. Emaka arah sikap kami megati labo ipetandaken kami Kam man anak-anak kami. Erkiteken kesibuken kami lanai ipakeken kami waktu guna ngajari

anak-anak erkemalangen man baNdu apaika erlajar kerna KataNdu. O Tuhan akap kami dahin kami terjeng ngelitken keperluan anak-anak subuk keperluan sekolahna ras keperluan si teptep warina. Janah perayaken kami terjeng doni enda ngenca emaka lanai ipebadiaken kami Kam.

L. : Turang ras senina kalak si nggeluh erpalasken undang-undang Tuhan, mejuah-juah ia ras isi jabuna dengen ipasupasas Tuhan jadi bangsa si mbelin, janah jadi usihen man keluarga si deban.

P. : Alemi kami Tuhan i bas kami labo ngajarken kataNdu man anak-anak kami ras labo mereken usihen si mehuli subuk arah pendahin, perukuren ras pengerana kami. Alemi kami Tuhan sebab jabu kami lenga jadi usihen i bas kerina dampak kegeluhen kami.

4. Rende : KEE GBKP No: 95: 2

5. Pengalemi Dosa :

L. : Turang ras senina meriah ukur Tuhan ngidah kita mulihken ku IA, sura-surana kita kerina ras isi jabunta erkemalangen man baNa sebab IA ngenca Dibata si ngasup melihara kita ras isi jabunta. Emaka niNa man kalak si erlebuh baNa : “Desken remang erpagi-pagi dosandu engo Ku lesapken, marilah kempak Aku sebab Aku kap Tuhan Dibatandu”.

6. SEE GBKP No: 179:1 ) 3x

7. Pengogen Kata Dibata Si Pemena : **Kuan-Kuanen 31: 20-31** (logeken Si Mada Jabu)

L. : Ketuahen kalak si megiken Kata Dibata dengen si makekenca i bas geluhna si tep-tep wari. Halleluya

P. : Halleluya.....Halleluya.....Halleluya. ( lendecken )

8. Renungen :

a. Ertoto Ope Renungen

b. Renungen

c. Ertoto Kenca Renungen

9. Pengakun Kiniteken

(Perp. Tedis)

10. Persembahen

(Perp. Kundul)

L. : “Kata Dibata i bas kita nehken persembahen : “Dage tah kai gia ibahanndu, subuk i bas ngerana entah i bas perbahanen, bahanlah e kerina i bas gelar Tuhan Jesus

Kristus janah ngataken bujur man Dibata Bapa arah IA”  
(Joel 3:17).

P. : Rende PEE GBKP No: 69:1,3

11. Pertoton Persembahen Ras Pertoton Syafaat

**Topik Pertoton Syafaat :**

1. Persembahen.

2. Simada jabu ras tuan rumah berngi si pagi.

3. Gelah kerina orangtua si lit i bas GBKP jadi orangtua si erkualitas subuk i bas encidahken kiniteken, kekelengen bage pe pengajaren man kerina anak-anak i bas jabu.

4. Gelah kerina orangtua nggit erlajar nambahi kualitasna arah kerina bidang kegeluhen.

5. Si turah bas perpulungen.

12. Tekad Ras Pengendesen

(Perp. Tedis)

L. : Turang ras senina tangkas man banta uga Dibata enggo ndilo kerina orangtua guna jadi wakilNa i doni enda dengen mereken sada tugas mulia eme mabai kerina anak-anak erkemalangen man Tuhan dengen ngajarken Kata Dibata asa umurna nggeluh.

: Ateku ngikutken pendiloNdu e Tuhan alu erbahan waktu ngajari anak-anakku kerna KataNdu bagepe orat nggeluh kalak Kristen si ngena ateNdu. ~~Pengasup aku Tuhan~~  
ndahiken dahinNdu e alu gegeh ras penampat Kesah si Badia.

13. Rende PEE GBKP No: 10 : 7, 9,10.

14. Pertoton Tuhan :

15. Pemasu-Masun :

L. : Berkatlah ! Perdiateken jabuta (ndu), jadilah kita (kam) jadi orangtua si erkualitas si tetap mabai jabuna erkemalangen man Dibata i bas kerina dampar geluh. Seh maka kerina anak-anakndu pe erbuah meramis ras erguna man jelma si enterem. Guna si e alokenlah pasu-pasu idur Dibata nari. “Ipasu-pasu janah ikawali Dibata kita (kam), siang ayo Dibata  
ersinalsal i babota (ndu) janah melias ateNA ngenehen kita (kam), itatap Dibata kita (kam) janah malem ateta (ndu) ibahanNa”. Amin.

P. : Amin....Amin...Amin. (iendeken).

### **III. DISKUSI :**

1. Ajarkanlah e man anak-anakndu. Persingetilah rusur, subuk sanga kam i rumah, subuk bas perdalanen, subuk sangana ngadi-ngadi entah sangana erdahin (Ulangen 6:7). Uga nge enda pendalankenta i bas jabunta ? Turikenlah !
2. Enggo nge ndia kita selaku bapa nande jadi orangtua si erkualitas ? Janah usaha-usaha kai nge si banci ibahan gelah jadi orangtua si erkualitas ? Diskusiken!

### **Cataten :**

Tedis ras kundul tupung kebaktin nehen situasi ingan kebaktin. Sijaga kebadian ibas kebaktinta.



# WARI/BERNGI III, SELASA 03 JUNI 2014

## I. PERSIKAPEN ( IBABAI RUNGUN GEREJA ) :

1. Rende : KEE GBKP No: 20:1-3
2. Kata Penaruh :
3. Ertoto.
4. Rende KEE GBKP No: 163:1,5 Ntah Pe PEE GBKP No: 101:1,2  
(*Ngendesken Perlengkapen Man Simaba Kebaktin*) (Perp. Tedis)

## II. KEBAKTIN :

1. Votum, Salam, Introitus :  
L : Kebaktin Pekan Keluarga wari (berngi) petelukan enda ibenaken  
ibas gelar Dibata Bapa si mpersadaken kalak si tek ibas jabu.  
P : Malemna di ras IA. (*lendecken Bagin KEE GBKP No: 165* ).  
L : Ibas gelar Tuhan Jesus Kristus si jadi kepala ibas jabu kalak si tek  
P : Malemna di ras IA. (*lendecken Bagin KEE GBKP No: 165* ).  
L : Ibas gelar Kesah si Badia si nemani ras ngkuhi kegeluhen jabu  
kalak si tek.  
P : Malemna di ras IA. (*lendecken Bagin KEE GBKP No: 165* )  
L : Perkuah ate Tuhan Jesus Kristus, kekelengen Dibata Bapa ras  
kerembaken Kesah si Badia ras kam (kita) gelah. Amin.  
P : Amin, .....Amin.....Amin.... (lendecken)  
L : “Anak e reh belinna dengen reh gegehna; pentar IA janah tetap  
ipasu-pasu Dibata” (Lukas 2:40).
2. Rende PEE GBKP No: 109:1,3 Ntah Pe KEE GBKP No: 3:1,5.
3. Anak Itengah Jabu : **Masmur 127:3-5** (Perp. Kundul)  
L : Situhuna, Tuhan kap si mereken anak-anak e,  
P : Pasu-pasu ibas Tuhan nari kap ia.  
L : Anak dilaki si ipupus tupung kalak nguda denga,  
P : Bali kap ras anak panah ibas tan si mbisa.  
L : Sangap kap kalak si melala anak panahna sibage,  
P : Ndigan pe ia la tertalukan,  
Kerina : Tupung jumpa ras imbangna i pengadilen.
4. Rende KEE GBKP No: 204:1,4 Ntah Pe PEE GBKP No: 89:1-3
5. Ogen: **1 Samuel 3:1-10,19** (Asa bancina iogeken anak PERMATA/  
KAKR)  
L : Ketuahen kalak si megiken Kata Dibata dengen simakekenca  
ibas geluhna, Haleluya.

P : Haleluya, Haleluya, Haleluya. (Iendeken)

6. Renungen

7. Pengakun Kiniteken (Perp. Tedis)

8. Persembahen (Perp. Kundul)

L : Kata Dibata si jadi palas man banta ibas nehken persembahen pengataken bujurta ibas Pilipi 4:18b-19 'Pemere-pemerendu e jadi sada persembahen si merim man Dibata, persembahen si ialokenaNa dengen si ngena ateNa,

P : Dibatanku si simpar alu kebayaken si lit ibas Kristus Jesus L : Mereken kerina keperluandu.

Rende : SEE GBKP No: 233:1,3 Ntah pe PEE GBKP No: 77:1-3

9. Pertoton Persembahen Ras Syafaat Persembahen.

- o KAKR ras PERMATA reh erkualitasna geluhna, tutus erlajar, erdahin ras ndarami teman geluh.
- o Orangtua, gereja bagepe adat arus mereken kesempatan ras dukungen man anak-anak.
- o Tantangan si man alanken anak ibas jabu gelah, keluarga pentar ngantisipasisa.
- o Siturah ibas perpulungen.

10. Rende : PEE GBKP No: 74:1,3

11. Nggeluh Ibas Jabu Sierkualitas : (Perp. Tedis)

L : Dibata masu-masu dengen ngkuhi jabu alu kerina simehuli.

P : Nggeluh kami ibas pasu-pasuNdu o Tuhan.

L : Erlajarlah guna nambahi kerina simehuli ibas geluhndu.

Orangtua : Pengasup kami Tuhan gelah sepengodak sepengole guna mabai ras ndukung anak kami gelah jadi anak si pentar ibas Kam.

Anak : Enda kami Tuhan, sikap guna ibentuk sue ras sura-suraNdu.

L : Tetaplah erpenggurun ibas geluhndu man Dibata sinepa sinasa lit.

12. Rende : SEE GBKP No: 169:1,3 Ntah Pe KEE GBKP No: 203:1,4

13. Pertoton Tuhan Ras Pasu-Pasu :

L : Si dungi kebaktinta alu ertoto bagi nijari Tuhan Jesus man banta, ninta ertoto alu sada sora:

P : O Bapa kami....

L : Mulihlah alu dame, cidahkan kualitas jabuta (ndu) alu nikapken ras mabai anak-anak nggeluh alu mehuli dengen erkemalangen

man Tuhan Dibata: Aloken pasu-pasuNa: *“Tuhan masu-masu kuta ras jumata (ndu) Tuhan masu-masu kita (kam) maka kita (kam) ertuah, bayak, maka nterem pupusta (ndu), pageta (ndu), melala lembu ras biri-birita(ndu). Tuhan masu-masu sinuan-sinuantu (ndu) ras pangan siibahan ibas sinuan-sinuan e nari. Tuhan masu-masu kerina pendahinta (ndu” Amin.*

P : Amin, Amin, Amin. (lendecken)

### **III. DISKUSI**

1. Tentuna pedah Rasul Paulus man Timotius endu isehken guna mpegegehi Timotius, kai nge si ialami Timotius paksa e? Turikenlah!
2. Kuga nge kinata kegeluhen anak-anakta ibas jaman endu, tantangan ras peluang guna ncidahken kualitasna? Turiken dingin kai-kai saja si banci si arihken ras ia guna si lebih mehuli.

### **Catatan :**

Tedis ras kundul tupung kebaktin nehen situasi ingan kebaktin. Sijaga kebadian ibas kebaktinta.

# WARI/BERNGI IV, RABU 04 JUNI 2014

## I. PERSIKAPEN (IBABAI RUNGUN GEREJA) :

1. Rende PEE GBKP No: 1:1-3 Ntah Pe KEE GBKP No: 57:1,4
2. Kata Penaruh :
3. Ertoto.
4. Rende : PEE GBKP No: 9:1,2 Ntah Pe KEE GBKP No: 66:1,2  
(*lendesken Perlengkapan Man Simabai Kebaktin*)

## II. KEBAKTIN :

1. Votum, Salam, Introitus :

L : Kebaktin Pekan Keluarga ibas wari (berngi) si peempatkan enda ibenaken ibas gelar Tuhan Dibata si enggo nepa ras ngkuhi doni enda Ibas gelar Tuhan Jesus Kristus si jadi Tuhan ras Kepala ibas kegeluhen jabunta (ndu). Ras ibas gelar Kesah Si Badia si tetap ngarak-ngarak kegeluhen jabu gelah ngasup nggeluh alu mehuli. Perkuah ate ras dame ibas Dibata Bapa ras ibas Tuhan Jesus Kristus nari, ibas kerembaken Kesah Si Badia ras kita (kam) kerina gelah. Amin.

P : Amin, .....Amin, .....Amin... (lendecken)

L : "Kenca tiap pesta enggo dung, lampas erpagi-pagi keke Job, jenari ipersembahkenna persembahen tutungen guna pebadiaken anakna e sekalak-sekalak" (Job 1:5a)

2. Rende : KEE GBKP No: 1:1,2 Ntah Pe PEE GBKP No: 99:1,3
3. Jabu Si Ipasu-Pasu Tuhan (Masmur 128:1-6a) (Perp. Kundul)

L : Sangap kalak si malang man Tuhan,

P : Si nggeluh ngikutken kerina perentahNa.

L : Ipanna me ulihna latih, sangap nggeluh mehuli sikerajangenna.

MORIA : Ndeharana bali ras anggur si meramis buahna ibas rumahna.

Anak-Anak : Dingen anak-anakna bali ras tunas batang saitun isekelewet mejana.

MAMRE : Bage me pasu-pasu Tuhan man kalak si man baNa,

L : Tuhanlah simasu-masu kam i Sion nari.

P : Mbera idahndu kesangapen Jerusalem kidekah geluhndu

Kerina : Cawirlah kam metua maka sempat idahndu kempu-kempundu.

4. Rende : KEE GBKP No : 124:2-3
5. Ngoge: **Kolose 3:12-17** (Asa Bancina Pegancihen Isi Jabu)  
 L : Ketuahen kalak si megiken Kata Dibata dengen simakekenca ibas geluhna, Halleluya.  
 P : Halleluya, Halleluya, Halleluya. (*lendecken*)
6. Renungen :
7. Pengakun Kiniteken (Perp. Tedis)
8. Persembahen (Perp. Kundul)
- L : Kata Dibata si jadi palas man banta ibas nehken persembahenta ibas paksa enda nina ibas Masmur 100:4 *“Bengketlah ku bas pintu gerbangNa alu ende-enden pengataken bujur, ku bas kesainna alu puji-pujin. Katakenlah bujur man baNa dengen pujilah IA”*.
- Rende PEE GBKP No : 104:1-3 Ntah Pe KEE GBKP No : 15:1-2

### 9. Pertoton Persembahen Ras Syafaat :

Persembahen.

- Keluarga ngawan GBKP banci ras ngasup ncidahkan kualitas jabuna
  - Keluarga-keluarga ngasup ngidah erbage pinakit sosial sibanci ncedai sura-sura Dibata.
  - Siturah ibas perpulungen.
10. Rende : KEE GBKP No : 191:1-4
11. Tekad Guna Njadiken Jabu Si Ersada, Ngelai ras Ersaksi (Perp. Tedis)  
 L : Enggo ipersingeti kita kerina kerna tanggungjawabta selaku keluarga si ipasu-pasu Dibata, tetaplah saksiken keleng ate Dibata e.  
 P : *Rende PEE GBKP No : 97:1*
- L : Sedekah enda enggo sidadahkan persadan si nteguh, tetaplah pepaguh kiniersadan e ibas jabu bagepe ibas perpulungen  
 P : *Rende PEE GBKP No : 97:2*
- L : Marilah si buat baginta guna ngelaken keleng ate Tuhan si enggo si aloken ibasSa nari, ngelai alu pusuh si bersih  
 P : *Rende PEE GBKP No: 97:3*
12. Pertoton Tuhan
13. Pasu-Pasu :  
 L : Bengketilah geluhta (ndu), tetaplah siajar-ajaren ibas jabu gelah ngasup tetap ersada, ngelai ras ersaksi, ipengasup Dibata kita (kam) alu pasu-pasuNa *“Dibata si mada perkuah*

ate si enggo nenahken kita (kam) ku kemulianNa si rasa lalap  
ibas

Kristus, njadiken kita (kam) serta, tetap, megegeh dingin  
paguh. IA nge si mada kuasa seh rasa lalap". Amin

P : Amin, Amin, Amin (lendecken)

#### **V. DISKUSI :**

1. Ibas jabu-jabu ngawan GBKP, kai kira-kira paktor penghambat sierbahanca nterem denga lenga ikut ibas ndahiken dahin Tritugas Gereja? Turikenlah !
2. Kai-kai saja siperlu silakoken ibas sektorta guna meningkatan peran jabu-jabu gelah Koinonia, Marturia ras Diakonia GBKP lebih berkwalitas? Turikenlah !

#### **Cataten :**

Tedis ras kundul tupung kebaktin nehen situasi ingan kebaktin. Sijaga kebadian ibas kebaktinta.

# WARI/BERNGI V, KAMIS 05 JUNI 2014

## I. PERSIKAPEN ( IBABAI RUNGGUN GEREJA ) :

1. Rende : PEE GBKP No : 105:1-2
2. Kata Penaruh :
3. Rende PEE GBKP No : 127:1-2 (Ngendesken Perlengkapan Kebaktin Man Si Mbabai Kebaktin). (Perp. Tedis)

## II. KEBAKTIN :

1. Votum Ras Salam :  
L : Kebaktin Pekan Keluarga wari/berngi si pelimaken enda, ibenaken ibas gelar Dibata Bapa si enggo njadikan sinasa kerina tinepa-Na, ibas gelar Jesus Kristus si mperdiateken geluhta (ndu) teptep wari, ras ibas gelar Kesah Si Badia, si tetap negu-negu dengen pegegehi kita (kam) ibas kerina perdalinen geluhta (ndu).  
Penampat man banta (ndu) reh ibas Jahwe nari, si nepa langit ras doni, si ngkawali perberkat ras permulihta (ndu) genduari nari seh ras lalap. Amin.  
J : Amin...,Amin...,Amin. (lendecken)
2. Introitus : “ Gelah kula e la erbelah-belah, tapi sada-sadai ringring e radu seri mperdiateken ringring si deban”. (1 Korinti 12:25 ).
3. Rende : PEE GBKP No : 109:2,3
4. Pengakun Dosa Ras Pengalemi Dosa (Perp. Kundul)  
L. : Alu keleng ate si la ersibar, Dibata enggo nusur ku doni enda guna ngelai kerina manusia, gelah mulihi manusia jadi tempas Dibata jine.  
P. : Tandai kami nge ise kami Tuhan, nggejap kami maka megati lenga bo igejap kami kerna kerina keleng ateNdu si enggo icidahkenNdu arah Tuhan Jesus Kristus.  
L. : Dibata ertedeh ate gelah min kerina manusia manusia banci erkeleng ate saph-saph kita, bagi Tuhan enggo engkelengi kita alu la erdobahen.  
Bapa : Alemi kami Tuhan, erkiteken megati lenga bo sada keriahen man kami ibas ngelai teman kami manusia. Megati riahen denga akap kami i kede kopi asa PJJ, engkawil asa ku Gereja, ndedah televisi asa PA MAMRE, ndahiken dahin kami asa ngelai teman si sakit, si man apulen ibas geluhna. ALEMILAH kami Tuhan ibas kerina kelepaken ras kekoten kami nggeluh.

Nande : Alemi kami Tuhan, erkiteken megati keriahen kami pe lenga bo ibas ngelai teman kami manusia. Riahen akap kami ngayaki kinijilen ras kinitunggunen tatapen doni asa kinijelen pertendin kami. Megati denga lenga bo kami ngasup ngamper bana, piah megati akap kami pandangan kerina isi jabu. Maun nggiten kami mandangi ras ncekuraki asangkan nampati, janah alemilah kami ibas kerina kelepaken ras kekoten kami nggeluh.

Anak : Ngaku kami pe Tuhan maka kami pe rusur lanai ieteh kami ras itandai kami ise man kami. Kami pe enggo megati seri ras doni enda. Riahen akap kami er HP, Facebook asa ku Gereja. Riahen akap kami er-Game, asa er-PA. Teridah pe maka megati lanai ergai kami orang tua kami, ras lanai kami mehamat man kalak si tuan asa kami. Alemilah kami ibas kelepaken ras kekoten kami nggeluh.

L. : Dahilah Tuhan maka kam nggeluh. Jadiklenah Kata Dibata palas ibas jabunndu.

P. : Reh aku Tuhan ngadap man baNdu, Jesus dudurken tanNdu, alokenlah aku.... (lendeken KEE GBKP No: 207)

L. : "Anem gia dosandu megara bagi singkelat si megara jadi ka nge mentar bagi salju, anem gia garana bagi dareh jadi mentar ia bagi bunga".

5. Rende : PEE GBKP No : 76:1-3

6. A. Ngoge Kata Dibata : **1 Korinti 16:1- 4** (logeken Simada Jabu)  
(Kenca Dung Pengogen)

L : "Ketuahen kalak si megiken Kata Dibata, dengen si makekenca ibas geluhna siteptep wari. Haleluya."

J : Haleluya.....Haleluya.....Haleluya..... (lendeken)

B. Ertoto sope Renungen

C. Renungen

D. Ertoto Kenca Renungen

7. Pengakun Kiniteken (Perp. Tedis)

8. Persembahen : (Perp. Kundul)

L : Ersikap kita guna ngendesken persembahen pengataken bujurta man Tuhan. Si berekenlah simehulina dengen si metunggun man baNa alu meriah ukur. Palas Kata

Dibata ibas kita mereken persembahen eme ibas Masmur 50:23, "Ngataken bujur e me persembahen si pehagaken Aku janah si patuh ngikutken Aku tentu Kukelini"



Rende : PEE GBKP No : 81:1—  
Ertoto Kerna Persembahen.

9. Rende PEE GBKP No : 74:1-  
10. Pertoton Syafaat

**Topik Pertoton Syafaat Eme:**

1. Kerna simada jabu.
  2. Kerna kegeluhen perpulungen lit pertumbuhan kiniteken ibas wari lepas wari.
  3. Gelah ngawan perpulungen njadikan Kata Dibata palas kegeluhen.
  4. Gelah kerina nggit ras merincuh ngelai Tuhan itengah GerejaNa.
11. Pengutusen
- L : Nehenlah sekelewatta (ndu), enggo megersing page si man peranin.
- J : Ijenda kami Tuhan, suruhlah kami.
- L : Anem gia mbelang si man peranin, tapi megati kurangkal si ranisa.
- J : Ijenda kami Tuhan, suruhlah kami.
- L : Dahikenlah dahin Tuhan, janah Dibata si nemani ras mpegegehi kita (kam).
- J : Ijenda kami Tuhan, suruhlah kami.
- L+J : Gundari seh rasa lalap muat bagin aku ibas dahin pelayanen ibas gereja Tuhan. Amin.
12. Rende : PEE GBKP No : 88:1-4 (Perp. Tedis)
13. Pertoton Tuhan :
14. Pemasu-Masun :
- Kentisik nari bengket me kita (kam) ku bas kegeluhenta (ndu) si teptep wari, si gejam maka melala pengajuk si rusur mbabai kita (kam) gelah papak. Emaka alokenlah pasu-pasu idur Dibata nari si jadi pergegeh tole man banta ibas mentasi wari-warinta (ndu) :
- L : "Dibata, sumbul kemalermen ate e gelah si ncukupi keperlunta (ndu) guna ndalanken si sentudu ras peratenNa. Janah Dibatalah erdahin i bas kita (kam) arah Jesus Kristus gelah kita (kam) ngelakoken kai si ngena ateNa. Man Kristuslah kemulian seh rasa lalap". Amin.
- J : Amin.....Amin.....Amin..... (lendeke)

### **III. DISKUSI :**

1. Ogelah Heber 13 : 17! Mari si diskusiken, uga ertina : patuhlah kam man pemimpinndu. Turikenlah !
2. Ngkai maka mesera kal iakap manusia umumna, ibas ndalanken si mehuli dengen sisampat-sampaten? Turikenlah !
3. Dahin si mehuli si kuga kin banci ibahan jabunta/ keluarganta man gerejanta GBKP, ras gereja-gereja si deban, khususna PGI? Turikenlah !

### **Catatan :**

1. Tedis ras kundul tupung kebaktin nehen situasi ingan kebaktin.
2. Sijaga kebadian ibas kebaktinta.

# WARI/BERNGI VI, JUMAT 06 JUNI 2014

## I. PERSIKAPEN (IBABAI RUNGGUN GEREJA) :

1. Rende : KEE GBKP No : 3:1,5
2. Kata Penaruh :
3. Ertoto
4. Rende : KEE GBKP NO : 177:1,3 (**Naruhken Si Maba Kebaktin**)

–Perp. Tedis-

## II. KEBAKTIN :

1. Votum : Pekan Kebaktin Keluarga wari/berngi si peenemken enda ibenaken ibas gelar Dibata Bapa si dem kemulian, ibas gelar Jesus Kristus si jadi penebus ras ibas gelar Kesah si Badia si nemani ras nampati kegeluhen manusia.

2. Salam : Perkuah ate ras dame ibas Dibata Bapa ras ibas Tuhan Jesus Kristus nari, ibas kerembaken Kesah si Badia ras kita (kam) kerina gelah. Amin.

Perp : A....min....A....min...A..min (lendecken)

3. Introitus : “Usahakenlah ndalanken kai si tuhu-tuhu ngena ate Dibata, nehken tanggungjababndu selaku kalak si tek, nehken keleng ate dengen nggeluh alu dame raduken kalak si tutus mindo penampat man Tuhan” (II Timotius 2:22b).

4. Rende : KEE GBKP NO : 164:1,2

5. Responsorial : Jesus Kristus Jadi Usihen Rikutken Pilipi 2:1-5  
( Perp. Kundul )

L. : Kegeluhenndu i bas Kristus erbahanca kam megegeh. Ma kin keleng ateNa e ngapuli kam? Ma rembak kin kam ras Kesah Dibata?

Ma kin si keleng-kelengen kam dengen mekuah atendu sekalak nandangi si debanna?

MAMRE : Gelah tuhu-tuhu malem ateku, kupindoken man bandu :

- MORIA : Ersada min arihndu, si keleng-kelengen min kam, ersada min geluhndu dingen ersada ukurndu.
- Liturgis : Ola ibahanndu kai pe erpalasken kerangapen ntah si erpalasken ukur meganjang.
- KAKR/PERMATA : Tapi peteruklah ukurndu sekalak nandangi sidebanna.
- Perpulangan : Ola kal iakapndu ulin kam asangken kalak sideban.
- Liturgis : Ola keperlunndu saja ngenca iperdiatekenndu tapi perdiatoken pe keperluan kalak sideban.
- Perpulangan : Perukurenndu bali min ras perukuren Kristus Jesus.
6. Rende : KEE GBKP NO : 209:1,4
7. Ngoge Kata Dibata : **Pilipi 2:1-4**  
 Kenca dung pengogen Kata Dibata nina peliturgi : “Ketuahe kalak simegiken Kata Dibata dingen simakekenca ibas geluhna si tep-tep wari. Halleluya.  
 Perp. : Halleluya....Halleluya...Halleluya (lendeke)
8. Renungen :  
 a) Ertoto Sope Renungen  
 b) Renungen  
 c) Ertoto Kenca Renungen
9. Pengakun Kiniteken -Perp. Tedis-
10. Persembahen Pengataken Bujur -Perp.Kundul-  
 Liturgis : Kata Dibata sijadi palas ibas nehken persembahen pengataken bujur man Dibata ibuat ibas Roma 12:1b nina : “Endeskenlah kulandu man Dibata saja selaku persembahen singgeluh rikutken singena ateNa”.
- Rende : KEE GBKP NO : 185:1,2,4
11. Ertoto Kerna Persembahen Ras Pertoton Syafaat  
**Topik Pertoton Syafaat :**  
 o Notoken kerna persembahen sienggo iendesken. Gelah jabu ngawan ni perpulangan bage pe serayanNa ibas GBKP tetap nggejapken maka ia e me gereja guna tetap ndukung pelayanen si ilakoken GBKP ibas pelayanenna secara khusus guna tetap nampati ras ndukung pelayanen kategorial ras unit-unit pelayanen GBKP.

- Notoken jabu sijadi ingan pulung bage pe jabu ingan pulung si pepagi.
  - Siturah ibas perpulungen.
12. Rende : PEE GBKP NO : 45:1,5 - Perp.Tedis -
13. Pertoton Tuhan
14. Pemasu-Masun :
- Liturgis : Aloklenlah pasu-pasu idur Dibata nari : “Dibata Bapa ibas Jesus Kristus sienggo nenahken kita (kam) kubar kemulianNa si rasa lalap ibas Kristus, IA me Bapa sierbahanca kita (kam) serta, sierbahanca kita (kam) tetap, sierbahanca kita (kam) megegeh dingan paguh. IA nge simada kuasa seh rasa lalap, simasu masu kita (kam). Amin.
- laloi perpulungen : Amin....Amin....Amin....(lendenken)

### III. DISKUSI :

1. Oge mulihi Epesus 4:11-12, uga nge hubungken nats enda i bas runggunta masing-masing? Enggo nge Pandita, Pertua ras Diaken selaku serayan *membekali* ngawan ni perpulungen gelahna sikap ndahiken dahin pelayanen gerejanta? Bereken penjelasenna adi enggo ras bagepe adi lenga. Turikenlah !
2. Selaku Keluarga GBKP,turikenlah kai saja si enggo ras si lenga silakokenndu i bas tanggungjawabta guna muat bagin i bas pelayanen kategorial ras unit-unit si lit i bas runggunta. Diskusikenlah !

### Cataten :

1. Tedis ras kundul tupung kebaktin nehen situasi ingan kebaktin.
2. Sijaga kebadian ibas kebaktinta.

# WARI/BERNGI VII, SABTU 07 JUNI 2014

## I. PERSIKAPEN (IBABAI RUNGUN GEREJA) :

1. Rende : KEE GBKP NO : 151:1,3.
2. Kata Penaruh :
3. Ertoto
4. Rende : PEE GBKP NO : 105:1,2 (**Naruhken Si Maba Kebaktin**)  
-Perp.Tedis-

## II. KEBAKTIN :

1. Votum : Pekan Kebaktin Keluarga GBKP i bas wari/berngi si terakhir enda ibenaken ibas gelar Dibata Bapa sinjadiken manusia, i bas gelar Jesus Kristus Takal Perpulungen ras i bas gelar Kesah si Badia siempersadaken jabu kalak sierkiniteken.
2. Salam : Penampat man banta (bandu) reh i bas Jahwe nari si nepa langit ras doni, singkawali perberkat ras permulihta (ndu) genduari nari seh rasa lalap. Amin.  
Perp : A.....min.....A.....min.....A.....min (lendecken)
3. Introitus : “Ula aloken uang sogok, sabap uang sogok erbahanca kam lanai ngidah si benar, janah perkara kalak si la ersalah ibalikken” (Keluaren 23:8).
4. Rende : PEE GBKP NO : 45: 1,6
5. Responsoria (Ndalanken Si Mehuli Ibas Kegeluhen) –Perp.Kundul-Liturgis : Ise tutus atena ndahiken dahin si mehuli nggeluh me ia, tapi ise si tetap erbahan si jahat mate me ia.  
Perp : Nembah ate Tuhan nandangi kalak si jahat ukurna, tapi kalak si mahan bujur, ikelengiNa.  
Liturgis : Sura-sura kalak bujur erbuahten kiniulin, tapi adi seh sura-sura kalak jahat nembah ate kalak kerina.  
Perp : Kalak bujur ndatken si mehuli kap bas doni enda, dage kalak jahat ugapa pe dat ukumen.
6. Rende : PEE GBKP NO : 80:1,2
7. Ngoge Kata Dibata : **Matius 5:13-16**  
Kenca dung pengogen nina peliturgi : *“Ketuahen kalak simegiken Kata Dibata dingan simakekenca ibas geluhna si tep-tep wari. Haleluya.*  
laloi perpulungen : Ha..leluya...Ha..leluya..Ha..leluya (lendecken)
8. Renungen :
  - a) Ertoto Ope Renungen
  - b) Renungen

- c) Ertoto Kenca Renungen
9. Pengakun Kiniteken -Perp. Tedis-
10. Persembahen Pengataken Bujur -Perp.Kundul-
- Liturgis : Kata Dibata si jadi palas i bas nehken persembahen pengataken bujur tersurat i bas Masmur 50:14, nina :
- Perp : "Bahanlah pengataken bujur jadi persembahen man Dibata,
- Liturgis : Sehkenlah kai sienggo ipadankenndu man si Meganjangna.
- Rende : PEE GBKP NO :77:1,2
- 11 Pertoton Persembahen Ras Syafaat
- Topik Pertoton Syafaat :**
1. Notoken persembahen si enggo iendesken.
  2. Notoken kerna jabu ngawan ni perpulungen bage pe serayanNa i bas GBKP tetap ncidahken kualitas kinitekenna i bas kegeluhen tep-tep wari.
  3. Notoken jabu sijadi ingan pulungen i bas wari/berngi siterakhir.
  4. Notoken kerna pelaksanan Lakon Persadan Sibadia i bas kerina wilayah pelayanan GBKP gelah erdalan alu mehuli.
  5. Siturah i bas perpulungen.
12. Pengu tusen -Perp.Tedis-
- Liturgis : Enggo Kubereken gegehKu ras pengajarenKu jadi sikerajangenndu seh rasa lalap. Janah mulai genduari nari arus ikutkenndu Aku.
- Perp : Tuhan, jadikanlah kami jadi saksiNdu.
13. Rende : KEE GBKP NO : 183:1,3,4
14. Pertoton Tuhan
15. Pemasu-Masun :
- Liturgis : Arahkenlah perukuren rikut pe ras kinitekenndu (ta) man Dibata, jadilah tetap jadi jabu kalak Kristen si tetap er-Berita Si Meriah ras tetap ernalem man baNa gelah alu bage tetap sicidahken keleng ateNa man kalak sideban. Guna si e alokenlah pasu-pasu idur Dibata nari : "Perkuah ate Tuhan Tuhan Jesus Kristus, kekelengen Dibata Bapa ras kerembaken Kesah si Badia ras kam (kita) kerina gelah. Amin.
- Perp : A...min...A...min....A...min (lendeken)

### III. DISKUSI :

1. Oge mulihi Jeremia 29 :7, kai maksud erdahinlah guna kiniulin kuta...  
Kiniulin sikuga nge banci sidalanken sebage tanggungjababta selaku warga bangsa ras negaranta enda. Diskusikenlah !
2. Lit kalak ngatakenca maka latarbelakang maka lit kalak nggit ngaloken sogok e me erkiteken ekonomi lemah. Uga cara maka banci meningkatkan ekonomi masyarakat ? Kai arus silakoken gereja guna si e? Diskusikenlah !

**Cataten :**

1. Tedis ras kundul tupung kebaktin nehen situasi ingan kebaktin.
2. Sijaga kebadian ibas kebaktinta.